

ZAPISNIK

sa dvadesete redovne sjednice Upravnog odbora Univerziteta u Tuzli
održane u četvrtak 15.03.2023. godine, sa početkom u 13,00 sati u Sali za sjednice Rektorata
Univerziteta u Tuzli

Na dvadesetoj redovnoj sjednici prisustvovali su predsjednik Upravnog odbora dr. sci. Semir Ahmetbegović, vanr. prof., te članovi: Suad Hasanović, Omer Beširović, Amela Dedić, dr.sci. Kenan Mandžić, red.prof., dr.sci. Anita Petrović, vanr.prof., (od rasprave po tački 5.1) i Emina Duranović, student.

Sjednici nisu prisustvovali: dr.sci. Franc Andrejaš, vanr.prof., koji je izostanak opravdao i Adela Mustafagić Šaldić.

Osim članova Upravnog odbora sjednici su prisustvovali: Rektorica, prof. dr. sc. Nermina Hadžigrahić, Generalni sekretar Jasmina Berbić dipl. pravnik, te u svojstvu izvjestilaca po pojedinim tačkama dnevnog reda: Direktor za ekonomske poslove Husein Matović, Viši stručni saradnik u odjeljenju javnih nabavki Enida Omerhodžić, dipl. ecc., Stručni saradnik u odjeljenju javnih nabavki Amir Šabović, dipl. pravnik, te Šef Službe za pravne, kadrovske i opšte poslove, Šejla Fazlić, dipl. pravnik, te Direktor studentskog centra Jusuf Džihanović, dipl. ecc. Sjednici je prisustvovao i Ahmo Muhić, dipl. pravnik, sekretar Upravnog odbora.

Predsjednik Upravnog odbora konstatovao je da postoje uslovi za rad i odlučivanje na sjednici u skladu sa Poslovníkom o radu Upravnog odbora, te je otvorio dvadesetu redovnu sjednicu Upravnog odbora.

Dao je na usvajanje predloženi dnevni red. Predložio je i obrazložio dopunu dnevnog reda novim tačkama: 8. Donošenje Odluke o izmjeni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine i 9. Upoznavanje sa prijedlogom Finansijskog plana Univerziteta u Tuzli za 2023. godinu
Član Upravnog odbora Suad Hasanović je predložio i obrazložio prijedlog za dopunu dnevnog reda tačkom 10. Inicijativa za ažuriranje pregleda i objavu zapisnika sa sjednica Upravnog odbora na web stranici Univerziteta u Tuzli.

Nakon što je usvojio prijedlog za dopunu dnevnog reda, Upravni odbor je za ovu sjednicu jednoglasno usvojio sljedeći

DNEVNI RED:

1. Usvajanje Zapisnika sa 19. redovne, 25, 26. i 27. vanredne sjednice Upravnog odbora Univerziteta u Tuzli
2. Razmatranje prijedloga Odluke o izmjenama Odluke o usvajanju Plana nabavki Univerziteta u Tuzli za 2023. godinu
3. Razmatranje Izvještaja [REDAKCIJA] o realizaciji projektnih aktivnosti projekta Erasmus Ecobias za 2022.godinu
4. Razmatranje prijedloga Pravilnika o izmjeni Pravilnika o uslovima, kriterijima i postupku prijema studenata u studentske domove Studentskog centra Univerziteta u Tuzli
5. Razmatranje Zahtjeva za zaštitu prava protiv Odluke Rektorice Univerziteta broj: 01-1232-1/23 od 24.02.2023. godine:
 - 5.1 Zahtjev za zaštitu prava [REDAKCIJA] broj:04-1232-2/23 od 06.03.2023. godine
 - 5.2 Zahtjev za zaštitu prava [REDAKCIJA] broj: 04-1402-1/23 od 07.03.2023. godine
6. Razmatranje Izvještaja o radu Direktora za ekonomske poslove za 2022. godinu
7. Upoznavanje sa Dopisom studenata treće godine prvog ciklusa studija Gluma, Akademije dramskih umjetnosti
8. Donošenje Odluke o izmjeni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine
9. Upoznavanje sa prijedlogom Finansijskog plana Univerziteta u Tuzli za 2023. godinu
10. Inicijativa za ažuriranje pregleda i objavu zapisnika sa sjednica Upravnog odbora na web stranici Univerziteta u Tuzli.

Rad na sjednici:

TAČKA 1.

Usvajanje Zapisnika sa 19. redovne, 25, 26. i 27. vanredne sjednice Upravnog odbora Univerziteta u Tuzli

Sekretar Upravnog odbora, Ahmo Muhić, dipl. pravnik je izvijestio Upravni odbor o sadržaju zapisnika sa 19. redovne, 25, 26. i 27. vanredne sjednice Upravnog odbora.

Član Upravnog odbora Omer Beširović je istakao potrebu za korekcijom evidencije o prisustvu članova 19. redovnoj sjednici gdje je označeno prisustvo istoj člana Adele Mustafagić Šaldić te odsustvo člana Amele Dedić. Konstatovano je da je upravo obrnuto prisustvo, odnosno odsustvo navedenih članova Upravnog odbora.

Jednoglasno je usvojeno da se izvrši odgovarajuća ispravka u zapisniku, nakon čega je Upravni odbor jednoglasno usvojio zapisnike sa 19. redovne, 25, 26. i 27. vanredne sjednice Upravnog odbora Univerziteta u Tuzli.

TAČKA 2.

Razmatranje prijedloga Odluke o izmjenama Odluke o usvajanju Plana nabavki Univerziteta u Tuzli za 2023. godinu

Direktor za ekonomske poslove Husein Matović, dipl. ecc. izvijestio je članove Upravnog odbora sa procedurom za pripremanje prijedloga Odluke o izmjenama Odluke o usvajanju Plana nabavki Univerziteta u Tuzli za 2023. godinu

O detaljima sadržaja prijedloga Odluke članove Upravnog odbora su upoznali, Viši stručni saradnik u odjeljenju javnih nabavki Enida Omerhodžić, dipl. ecc. i Stručni saradnik u odjeljenju javnih nabavki Amir Šabović, dipl. pravnik. Konstatovali su da je prijedlog u svemu pripremljen u skladu sa Mišljenjem Agencije za javne nabavke Bosne i Hercegovine u vezi sa objavom Plana nabavki NIR-ova na Portalu javnih nabavki. Konstatovali su da je u prijedlog inkorporiran raniji plan nabavki naučnoistraživačkog rada fakulteta te da će Odluku biti moguće objaviti na Portalu javnih nabavki u sastavu Univerziteta kao ugovornog organa.

Nakon provedene diskusije konstatovano je da je dispozitiv Odluke potrebno preciznije formulisati. Upravni odbor je jednoglasno donio

ODLUKU o izmjenama i dopunama Odluke o usvajanju Plana nabavki Univerziteta u Tuzli za 2023. godinu

I

U Odluci o usvajanju Plana nabavki Univerziteta u Tuzli za 2023. godinu broj: 04-422-1-2/23 od 26.01.2023. godine, u tački I dodaje se novi stav dva koji glasi:

"(2) Planom nabavki Univerziteta u Tuzli za 2023. godinu obuhvaćene su nabavke Univerziteta u Tuzli i javne nabavke naučnoistraživačkog rada fakulteta".

II

Ova Odluka stupa na snagu danom donošenja.

III

Stupanjem na snagu ove Odluke prestaje da važi Odluka o usvajanju plana nabavki NIR-ova fakulteta Univerziteta u Tuzli za 2023. godinu broj: 04-422-1-3/23 od 26.01.2023. godine.

Obrazloženje

Odlukom broj:04-422-1-3/23 od 26.01.2023. godine usvojen je Plan nabavki Univerziteta u Tuzli za 2023. godinu, a Odlukom broj: 04-422-1-3/23 od 26.01.2023. godine usvojen je Plan nabavki NIR-ova fakulteta Univerziteta u Tuzli. Na istoj sjednici Upravnog odbora donesen je Zaključak kojim je

Direktor za ekonomske poslove zadužen da uputi dopis Agenciji za javne nabavke u vezi kreiranja planova nabavki naučno-istraživačkog rada organizacionih jedinica na Portalu e-nabavke pri Agenciji za javne nabavke Bosne i Hercegovine.

Direktor za ekonomske poslove Univerziteta je uputio zahtjev za tehničku pomoć i savjetodano mišljenje Agenciji za javne nabavke Bosne i Hercegovine broj: 09-573-1/23 od 27.01.2023. godine u vezi kreiranja planova nabavki naučnoistraživačkog rada organizacionih jedinica Univerziteta u Tuzli. U zahtjevu je detaljno obrazloženo da Univerzitet u Tuzli u svom sastavu ima organizacione jedinice – fakultete/ADU, koje u Budžetu Tuzlanskog kantona, za oblast naučnoistraživačkog, te umjetničko istraživačkog i stručno-istraživačkog rada imaju posebna potrošačka mjesta na kojima se planiraju prihodi i rashodi i izdaci, i izvršava budžet. Organizacione jedinice u obavljanju naučnoistraživačkog, odnosno umjetničko-istraživačkog i stručno-istraživačkog rada mogu samostalno preuzimati obaveze u pravnom prometu sa trećim licima u skladu sa Zakonom o Univerzitetu u Tuzli, Statutom Univerziteta i drugim propisima. U postupku izrade Budžeta Tuzlanskog kantona, zasebno za potrošačka mjesta NIR-a fakulteta/ADU se izrađuju dokument okvirnog budžeta, budžetski zahtjev i u konačnici odobrava budžet. Na osnovu tako odobrenih sredstava, planiraju se i odobravaju sredstva za nabavke.

Nadalje, u zahtjevu je navedeno da, s obzirom na to da fakulteti/ADU kao organizacione jedinice Univerziteta su zasebno potrošačko mjesto, u budžetu TK imaju zasebne finansijske planove, smatramo da je potrebno omogućiti kreiranje planova nabavki za organizacione jedinice, jer će se na taj način omogućiti usklađenost između usvojenog budžeta za potrošaču jedinicu i Plana nabavki za organizacionu jedinicu.

Agencija za javne nabavke Bosne i Hercegovine je dostavila Mišljenje broj: 04-02-1-268-2/23 od 02.02.2023.godine, u kojem je, između ostalog, navedeno da ukoliko svaki fakultet dostavi registracijski obrazac sa podacima iz stava (2) člana 4. Uputstva o uslovima i načinu objavljivanja obavještenja i dostavljanja izvještaja u postupcima javnih nabavki na Portalu javnih nabavki, može se registrovati i na Portalu javnih nabavki. Ako se radi o organizacionim jedinicama sa vlastitim ID brojem onda su opet jedan ugovorni organ, ali se mogu registrovati na Portalu kao organizacione jedinice ugovornog organa. U tom slučaju Portal vodi računa da se radi o jednom ugovornom organu, na način da poredi ID broj organizacione jedinice sa ID brojem ugovornog organa (prvih 9 brojeva ID broja su identični) i ne dozvoljava organizacionoj jedinici i da se registruje samostalno. I u ovom slučaju se radi o jednom ugovornom organu i jednom planu nabavki.

Univerzitet u Tuzli je u skladu sa članom 4. Uputstva o uslovima i načinu objavljivanja obavještenja i dostavljanja izvještaja u postupcima javnih nabavki na Portalu javnih nabavki („Službeni glasnik BiH“ broj: 80/22) izvršio registraciju organizacionih jedinica-fakulteta, a što je i navedeno u Zahtjevu za tehničku pomoć i savjetodavno mišljenje Agenciji, ali prilikom pokušaja kreiranja Plana nabavki za organizacione jedinice-fakultete sistem nije isto dozvoljavao.

Direktor za ekonomske poslove je podnio Izvještaj Upravnom odboru Univerziteta u Tuzli broj: 04-422-1-3.1/23 od 26.01.2023. godine o navedenim činjenicama, na osnovu čega je Upravni odbor donio Zaključak broj: 04-1047-1-7/23 od 22.02.2023. godine, kojim je zadužio Odjelu za javne nabavke i investicije da pripremi i Upravnom odboru dostavi Prijedlog Odluke o izmjenama i dopunama Odluke o usvajanju Plana nabavki Univerziteta u Tuzli za 2023. godinu.

Upravnom odboru je dostavljen Prijedlog o izmjeni i dopuni Odluke o usvajanju Plan nabavki Univerziteta u Tuzli za 2023. godinu, a u svemu po Zaključku Upravnog odbora i Mišljenju Agencije za javne nabavke BiH, uzimajući u obzir činjenicu da je Univerzitet u Tuzli i sve njegove organizacione jedinice jedan ugovorni organ za koji se donosi jedan plan nabavki u svemu u skladu sa Zakonom o javnim nabavkama.

Upravni odbor je razmotrio i usvojio Prijedlog i donio odluku kao u dispozitivu na osnovu člana 50. stav (1) tačka e) Statuta Univerziteta u Tuzli.

TAČKA 3.

Razmatranje Izvještaja [REDAKCIJA], o realizaciji projektnih aktivnosti projekta Erasmus Ecobias za 2022.godinu

Izvještaj je podnijela voditeljica projekta [REDAKCIJA]

Detaljno je informisala o svim rezultatima projekta te obrazložila finansiranje istog.

Nakon diskusije u kojoj su članovi Upravnog odbora iznijeli svoje pozitivno mišljenje o svim

provedenim projektnim aktivnostima, Upravni odbor je jednoglasno donio

Z A K L J U Č A K

I

Usvaja se Izvještaj [REDAKTIRANO], broj: 04-1086-1/23 od 20.02.2023. godine o realizaciji projektnih aktivnosti – ERASMUS ECOBIAS za 2022.godinu, podnesen Upravnom odboru Univerziteta.

II

Zadužuje se Voditeljica projekta [REDAKTIRANO], da nakon završene revizije od strane eksternog revizora, isti dostavi Uredu za međuuniverzitetsku saradnju i Upravnom odboru Univerziteta u Tuzli.

TAČKA 4.

Razmatranje prijedloga Pravilnika o izmjeni Pravilnika o uslovima, kriterijima i postupku prijema studenata u studentske domove Studentskog centra Univerziteta u Tuzli

Direktor studentskog centra Jusuf Džihanović, dipl. ecc. je obrazložio razloge za donošenje Pravilnika o izmjeni Pravilnika o uslovima, kriterijima i postupku prijema studenata u studentske domove Studentskog centra Univerziteta u Tuzli. Istakao je da je promjene uslova Odluka Upravnog odbora o utvrđivanju cijene usluga smještaja i ishrane studenata u studentskim domovima Studentskog centra Univerziteta u Tuzli kojom je cijena smještaja povećana na iznos od 310,00 KM.

Nakon što je obaviješten o tim činjenicama, uz jedan glas “suzdržan”, većinom glasova od ukupnog broja članova, Upravni odbor je donio

PRAVILNIK

o izmjeni Pravilnika o uslovima, kriterijima i postupku prijema studenata u studentske domove Studentskog centra Univerziteta u Tuzli

Član 1.

U Pravilniku o uslovima, kriterijima i postupku prijema studenata u studentske domove Studentskog centra Univerziteta u Tuzli broj: 04-4662-2/18 od 04.09.2018. godine u članu 3. stav (1) mijenja se i glasi:

„(1)Ukoliko se smještajni kapaciteti u studentskim domovima ne popune redovnim studentima koji prvi put upisuju prvu, odnosno narednu godinu studija, pravo na prijem u studentske domove imaju redovni studenti koji obnavljaju godinu, kao i studenti u statusu studenta apsoluta, te redovni studenti upisani na II ciklus studija i to po punoj ekonomskoj cijeni u iznosu od 310,00 KM, ukoliko koriste smještaj i ishranu, odnosno po cijeni u iznosu od 105 KM, ukoliko koriste samo smještaj“.

Član 2.

Ovaj Pravilnik stupa na snagu danom donošenja, a primjenjuje se od 01.01.2023. godine.

TAČKA 5.

1. Razmatranje Zahtjeva za zaštitu prava protiv Odluke Rektorice Univerziteta broj: 01-1232-1/23 od 24.02.2023. godine:

5.1 Zahtjev za zaštitu prava [REDAKTIRANO] broj:04-1232-2/23od 06.03.2023. godine

5.2 Zahtjev za zaštitu prava [REDAKTIRANO] broj: 04-1402-1/23 od 07.03.2023. godine

Šef Službe za pravne, kadrovske i opšte poslove Šejla Fazlić, dipl. pravnik je izvijestila članove Upravnog odbora o žalbenim razlozima učesnika Konkursa, navedenim u zahtjevima za zaštitu prava

protiv Odluke Rektorice broj: 01-1232-1/23 od 24.02.2023. godine. Istakla je da je Odluka o prijemu u radni odnos [REDACTED] postala konačna danom odbijanja prigovora protiv iste, ali da je uslov za zaključivanje ugovora o radu izvršnost te Odluke u proceduralnom smislu koja je nastupila danom uručenja drugostepene odluke Upravnog odbora, 22.02.2023. godine kada je izborni period izabrane kandidatkinje već istekao zbog čega odluku nije bilo moguće izvršiti, pa je istu valjalo poništiti. Predložila je da se Zahtjev učesnice konkursa [REDACTED] odbije kao neosnovan.

Takođe, u odnosu na Zahtjev učesnika konkursa [REDACTED], Upravni odbor nema ovlaštenja da upućuje na preispitivanje konačne odluke Senata Univerziteta ili donošenje nove odluke u postupku izbora u akademska zvanja za koja je isključivo nadležan Senat Univerziteta, a sve u smislu člana 51. Zakona o visokom obrazovanju

U toku rasprave konstatovano je da je Upravni odbor blagovremeno postupao po zahtjevu učesnika konkursa i na taj način osigurao dosljednu primjenu principa dvostepenosti u postupku donošenja odluke o zasnivanju radnog odnosa.

Konstatovano je da Upravni odbor nije nadležan da cijeni bilo koje činjenice u vezi postupanja Senata u postupku akademskog izbora, te da pobijanu odluku o prijemu u radni odnos nije bilo moguće izvršiti zbog isteka izbornog perioda izabrane kandidatkinje.

Nakon obavljene diskusije Upravni odbor je jednoglasno donio sljedeće odluke:

5.1

ODLUKU

Zahtjev za zaštitu prava [REDACTED] podnesen po punomoćniku Razić Selmi, advokatu iz Tuzle, protiv Odluke broj: 01-1232-1/23 od 24.02.2023. godine, odbija se kao neosnovan.

Obrazloženje

[REDACTED] blagovremeno je podnio Zahtjev za zaštitu prava broj: 04-1232-2/23 od 06.03.2023. godine protiv Odluke broj: 01-1232-1/23 od 24.02.2023. godine o poništenju Odluke o prijemu u radni odnos [REDACTED] broj: 01-494-1/23 od 25.01.2023. godine, zbog povrede odredbi postupka, nepravilno i nepotpuno utvrđenog činjeničnog stanja, te povrede materijalnog prava, s prijedlogom da Upravni odbor usvoji Zahtjev te upotpuni postupak, otkloni nezakonitosti i nedostatke sam, ili preko Rektora i Senata Univerziteta u Tuzli, ili da predmet vrati Rektor i Senatu Univerziteta u Tuzli na ponovni postupak nalažući mu da pravilno primijeni materijalne propise, odnosno da nakon što je utvrđeno da izabrana kandidatkinja ne može zasnovati radni odnos shodno odluci o izboru u saradničko zvanje na užoj naučnoj oblasti za koju je raspisan konkurs, predmet vrati Senatu Univerziteta u Tuzli koji će donijeti Odluku o izboru podnosioca Zahtjeva te posljedično tome će Rektor Univerziteta donijeti Odluku o zasnivanju radnog odnosa za podnosioca Zahtjeva.

U obrazloženju Zahtjeva navodi da se podnositelj Zahtjeva prijavio na Konkurs objavljan u dnevnom listu "Dnevni avaz" od 25.08.2022. godine za izbor u saradničko zvanje asistent sa zasnivanjem radnog odnosa za užu naučnu oblast "Elektroenergetske mreže i sistemi", na kojem su prijave podnijela dva kandidata čije prijave su ocjenjene potpunim te je konstatovano da oba kandidata ispunjavaju uslove za izbor, te da je Senat donio Odluku o izboru [REDACTED], slijedom čega je Rektorica donijela Odluku broj: 01-494-1/23 od 25.01.2023. godine o prijemu imenovane u radni odnos. Nadalje navodi da je Odlukom broj: 01-1232-1/23 od 24.02.2023. godine poništena Odluka o prijemu u radni odnos od 25.01.2023. godine zbog isteka izbornog perioda [REDACTED] na osnovu člana 85. stav (2) Zakona o visokom obrazovanju, za koji smatra da ne predstavlja pravni osnov za poništenje. Takođe, navodi da činjenica da je izabranom kandidatu u međuvremenu istekao izborni period, te da sa istim nije moguće zakonito zaključiti ugovor o radu ne znači da je konkursna procedura okončana jer je u istoj učestvovalo više kandidata za koje je moguće donijeti na zakonu zasnovanu odluku. Podnositelj smatra da konkursnu proceduru treba nastaviti sa kandidatom koji ispunjava sve uslove za izbor i zaposlenje po predmetnom konkursu, posebno iz razloga zadovoljenja kadrovskih potreba zbog kojih je konkurs raspisan.

Prigovor je neosnovan iz sljedećih razloga:

Članom 19. stav (1) Pravilnika o radu Univerziteta u Tuzli propisano je da se ugovor o radu zaključuje na osnovu konačne odluke o prijemu u radni odnos izabranog asistenta koji prvi puta zasniva radni odnos, a stavom (4). istog člana da se ugovor zaključuje na period na koji je akademsko osoblje izabrano, a po isteku tog izbornog perioda rektor je dužan zaključiti novi ugovor o radu ukoliko je izabran u isto ili više akademsko zvanje.

Slijedom navedenog, predmetna odluka o prijemu u radni odnos predstavlja samo izvršenje konačne odluke Senata, nadležnog organa za donošenje odluke o izboru, a imajući u vidu nespornu činjenicu da je izabranoj kandidatkinji izborni period istekao, to se ista nije mogla izvršiti, slijedom čega je pobijanom odlukom pravilno i zakonito poništena.

Upravni odbor, u smislu člana 51. Zakona o visokom obrazovanju, nema ovlaštenje da upućuje na preispitivanje konačne odluke Senata ili donošenja nove odluke u postupku izbora u akademska zvanja jer se radi o akademskim pitanjima za koja je isključivo nadležan Senat Univeerziteta, zbog čega je neosnovan prijedlog podnosioca da Upravni odbor upotpuni postupak sam ili predmet vrati Senatu Univerziteta u Tuzli koji će donijeti Odluku o izboru podnosioca Zahtjeva.

5.2

ODLUKU

Zahtjev za zaštitu prava ██████████ podnesen po punomoćniku Zajednička advokatka kancelarija Goran Jezdić & Vlado Matuzović, protiv Odluke broj: 01-1232-1/23 od 24.02.2023.godine, odbija se kao neosnovan.

Obrazloženje

██████████ blagovremeno je podnijela Zahtjev za zaštitu prava broj: 04-1232-2/23 od 06.03.2023. godine protiv Odluke broj: 01-1232-1/23 od 24.02.2023. godine o poništenju Odluke o prijemu u radni odnos broj: 01-494-1/23 od 25.01.2023. godine, sa prijedlogom da Upravni odbor Univeziteta u Tuzli uvaži žalbu, poništi pobijanu odluku te naloži zasnivanje radnog odnosa sa podnositeljicom Zahtjeva na radno mjesto saradnika u zvanju asistenta za užu naučnu oblast "Elektroenergetske mreže sistemi" na Fakultetu elektrotehnike.

U obrazloženju zahtjeva podnositeljica navodi da smatra da je pobijana odluka nezakonita i da su joj istom grubo povrijeđena prava jer se Odluka o prijemu u radni odnos mogla izvršiti znatno ranije, te da je Univerzitet bespotrebno odugovlačio postupak.

Nadalje navodi da se Odluka morala izvršiti dana 17.02.2023. godine, kada je i postala konačna, odnosno 18.02.2023. godine na dan kada je podnositeljici zahtjeva isticao izborni period u saradničko zvanje asistenta ili odmah nakon toga jer nije bilo nikakvih zakonskih smetnji da se faktički izvrši odluka o prijemu u radni odnos.

Takođe, navodi da je prilikom donošenja pobijane odluke povrijeđeno materijalno pravo, odnosno odredbe člana 85. stav 2. Zakona o visokom obrazovanju kojim je propisano "Akademsko osoblje zaključuje ugovor o radu s visokoškolskom ustanovom na određeno vrijeme i to na period za koji je izabrano. Nakon isteka tog perioda visokoškolska ustanova je dužna zaključiti novi ugovor o radu sa svakim članom akademske zajednice koji je izabran u isto zvanje ili više akademsko zvanje.

Navodi podnositeljice Zahtjeva o navodnom odugovlačenju postupka, u pogledu dijela postupka po predmetnom konkursu u kojem je, u smislu člana 51. stav (1) tačka l) Zakona o visokom obrazovanju, Upravni odbor nadležan su paušalni i neosnovani, obzirom da je Upravni odbor blagovremeno postupao po zahtjevu učesnika konkursa i na taj način osigurao dosljednu primjenu principa dvostepenosti u postupku donošenja odluke o zasnivanju radnog odnosa.

Navode podnositeljice Zahtjeva o navodnom odugovlačenju postupka u pogledu dijela postupka koji se odnosi na izbor u saradničko zvanje po predmetnom konkursu Upravni odbor zbog nenadležnosti nije cijenio obzirom da shodno odredbama člana 63. tačka g) i člana 77. stav (9) i (11) Zakona o visokom obrazovanju o izboru u akademska zvanja odlučuje Senat Univerziteta i u prvom i u drugom stepenu.

Nadalje, neutemeljeni su navodi podnositeljice Zahtjeva da je na dane 17.02. odnosno 18.02.2023. godine bilo moguće sa istom zaključiti ugovor o radu iz razloga što je formalno-pravni uslov za zaključivanje ugovora o radu, pored konačnosti odluke o prijemu u radni odnos, i njena izvršnost u proceduralnom smislu, a koja je nastupila tek danom dostavljanja drugostepene odluke Upravog odbora podnositelju prigovora.

Uvidom u potvrdu o prijemu podneska izvršnost predmetne odluke je nastupila 22.02.2023. godine, a u kojem momentu je izborni period podnositeljice Zahtjeva istekao, zbog čega faktički, u skladu sa članom 85. stav (2) Zakona navedenu odluku nije bilo moguće izvršiti.

Slijedom navedenog, po ocjeni Upravnog odbora, pravilno je primjenom člana 85. stav (2) Zakona postupljeno kada je Odluka o prijemu u radni odnos poništena.

TAČKA 6

Razmatranje Izvještaja o radu Direktora za ekonomske poslove za 2022. godinu

Izvještaj je prezentirao Direktor za ekonomske poslove Husein Matović, dipl. ec. U toku diskusije istaknute su određene primjedme i sugestije po stavkama 2,4,6,7 i 8, te tehnički nedostaci u indikatorima izvještaja.

Nakon obavljene diskusije, Upravni odbor je jednoglasno donio

Z A K L J U Č A K

I

Vraća se na doradu Izvještaj o radu Direktora za ekonomske poslove Huseina Matovića, dipl. ecc. za 2022. godinu broj:04-1290-1 od 28.02.2023. godine, u pogledu potrebnih korekcija u skladu sa diskusijom i preporukama na današnjoj sjednici Upravnog odbora.

II

Dorađeni Izvještaj će se dostaviti Upravnom odboru na razmatranje.

TAČKA 7

Upoznavanje sa Dopisom studenata treće godine prvog ciklusa studija Gluma, Akademije dramskih umjetnosti

Nakon što se upoznao sa Dopisom i nakon obavljene rasprave, Upravni odbor je jednoglasno donio

ZAKLJUČAK

I

Upravni odbor Univerziteta u Tuzli nije nadležan za postupanje po Zahtjevu studenata treće godine prvog ciklusa studija Gluma Akademije dramskih umjetnosti broj:04-1436-1 od 08.03.2023. godine.

II

Zahtjev iz tačke I ovog Zaključka dostavlja se Prorektoru za nastavu i studentska pitanja Univerziteta u Tuzli na nadležno postupanje.

TAČKA 8

Donošenje Odluke o izmjeni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine

Generalni sekretar Jasmina Berbić, dipl. pravnik je upozнала Upravni odbor da je nastala poteškoća u implementaciji dijela Odluke Upravnog odbora kojim je izmijenjana visina uplate premije osiguranja studenata jer je određeno da će se povrat više uplaćenih sredstava od 0,30 KM izvršiti uračunavanjem u participaciju odnosno školarinu prilikom upisa u ljetno semestar tekuće akademske godine. Upis u ljetni semestar je završen tako da je preostalo da se dug Univerziteta prema studentima može prebijati sa bilo kojom dospelom novčanom obavezom studenata.

Nakon obavljene rasprave, Upravni odbor je jednoglasno donio

ODLUKU

o izmjeni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine

Član 1.

U članu 8. Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/2023. godine broj: 04-3305-1-1/22 od 15.06.2022. godine , broj: 04-4799-1-2/22 od 13.09.2022. godine i broj: 04-1047-1-8/23 od 22.02.2023. godine stav (2) mijenja se i glasi:

„(2) Studentima iz stava 1. ovog člana koji su prilikom upisa u odgovarajuću godinu studija u akademskoj 2022/23. godini uplatili premiju osiguranja u iznosu od 4,00 KM, više uplaćeni iznos od 0,30 KM će se uračunati u participaciju/školarinu za zimski semestar akademske 2023/24 godine ili prilikom uplate druge dospjele novčane obaveze.

Član 2.

Ova Odluka će se primjenjivati počev od akademske 2022/23. godine.

TAČKA 9

Upoznavanje sa prijedlogom Finansijskog plana Univerziteta u Tuzli za 2023. godinu

Nakon što se upoznao sa prijedlogom Finansijskog plana Univerziteta u Tuzli za 2023. godinu Upravni odbor je jednoglasno donio

ZAKLJUČAK

Ispred članova Upravnog odbora iz reda Osnivača, Finansijski plan Univerziteta u Tuzli za 2023. godinu, dostaviti će se Ministarstvu obrazovanja i nauke TK na davanje mišljenja.

TAČKA 10

Inicijativa za ažuriranje pregleda i objavu zapisnika sa sjednica Upravnog odbora na web stranici Univerziteta u Tuzli.

Nakon što se upoznao sa Inicijativom člana Suada Hasanovića, Upravni odbor je jednoglasno donio

ZAKLJUČAK

I

Zadužuje se Sekretar Upravnog odbora da nadležnoj službi za objave na web stranici Univerziteta dostavi usvojene zapisnike sa sjednica Upravnog odbora koji do danas nisu objavljeni na web stranici Univerziteta u Tuzli.

II

Rok za izvršenje zadataka iz tačke I ovog Zaključka je 15. dana od dana prijema ovog Zaključka.

Sjednica je zaključena u 17 sati i 8 minuta.

ZAPISNIK SAČINIO

Ahmo Muhić, dipl.pravnik

UNIVERZITET U TUZLI

Broj: 04-1470-1/23

Tuzla, 15.03.2023.godine

PREDSJEDNIK
UPRAVNOG ODBORA

dr. sc. Semir Ahmetbegović, vanr.prof.